

عدد — ۹۵

امور اداره و تحریریه و اعلانات و سائرہ
ایچون مدیر مسئولہ مراجعت ایدللیدر .
عرفای امتک مقالات متصوفانہ لربنہ
جریده صوفیہ نک صحیفہ لری آچقندر .
درج ایدلیان اوراق اعاده ایدلنز .

جریده تصوف

شیمدیلك هفته ده بر نشر اولنور .

نسخه سی ۴۰ پاره در .

ابونه سی : بر سنه لك اعتباریله ممالك
عثمانیه ایچون : ۴ آلتی آیلغی ۲۵ غروش
وممالك اجنبیه ایچون اون ایکی فرانقدر

محل اداره باب عالی جوارنده ابوالسعود
جاده سنده نجم استقبال مطبعه سی

تصوفی ، دینی ، اخلاقی ، سیاسی جریده اسلامیه در .

۸ عارف بالله شیخ صالح الرفاعی قدس اه سره

بوذات محترم فاتح جوارنده تحتہ منارہ درکاه شریفی بانیسی اولوب
۱۲۰۳ ده قره کرکده تولد ایتشددر فاتحده درسه دوام ایله اجازتنامه
الدقندن صکره اهلیتی حسبیه شهزاده جامع شریفه مدرس تعیین ایدلمش
وخسن خطه مراقی اولدیغندن خطاط شهیر اسماعیل زهدی افندی
مرحومندن ده فیضیاب اولشددر مشارالیهک او طه باشی شیخی عبده افندی
ایله حقوق قدیمه سی اولقله برابر دائماً مجلس محبتلرنده صوفیونه متعرض
برموقعده بولندقلرندن نهایت عبده افندیکنک مرشد اکرم لری سادات
کراندن شیخ نورخی الاسکداری حضرتلرینک تصوفده اولان کالندن
خبردار اولوب کندوسنده ده کنجک اعتبار ایله ده دعوی تفردا اولدیغندن
حضرتی امتحان و تمجیل ایتک مقصدیه - فتوحاتدن غایت جتین برقاچ
مسائل احضار ایدرهک - بزچهارشنبه کونی اسکدارده توری افندی نی
زیارتلرنده مافی الضمیری مسائل حل و تشریح باشلا بجه تعجب ایدوب
تأثیر حیرتله برابر اسیر رابطه محبت اولمش و او آقشام اوراده قالمغه
وفیوضات معنویه لرندن استفاده ایتک قرار ویروب قالمش و قتا که
یاتسو نمازی قلنه حق آرزولری امانته تکمک و کندولرینک علم قرانته
اولان وقوفی بیان ایتک قلندن کچرکن اثنای اقامنده مرشدی
طرفندن امر اولمش محرابه کچمشلر افتتاح تکبیری آلمش الحمد لله
آشاغیسی بوق تکرار ایدرلرینه آشاغیسی کلینجه محرابدن چکیلورلر
حضرت نمازی قیلدیرر صاحب تصرف بر مرشد مکمل اولدقلرینی -
تصدیق ایله زیر تربیه رشادتلرینه (۱۲۴۳) ده کیره رک تام یکریمی ایکی
سنه ازلدن و جان خدمت ایلش و تکمیل سیرسلوک ایدرهک (۱۲۶۵) ده
استخلاف بیورلمشلردر. اثنای سلوکنده واقع اولان ظهورات اوزرینه
بامر مرشد متنوی خوان شهر خواجه - حسام افندی حضرتلرینه
کیدرهک مشنوی شریف تعلیم ایتشددر. بالاخره قره کرکده غرضه خالنده
اولان (مصلح الدین) مسجدینی درکاه اولق اوزره بنا ایتمشلردر.
عزیزی طرفندن مخلص «شمس» تسمیه ایدلمش و بوجه آتی نطق
نشاند غار فانه لرندنذر.

خازن کتر دقایق بزه رفاعیلر دیرلر
واقف رمز حقائق بزه رفاعیلر دیرلر
قیمت افزای هندقدرد دانه دردانه من
یادگار بحر اائق بزه رفاعیلر دیرلر
مراد خاطرک دوران ایسه میدانه کل صوفی
زمره اقرانه فائق بزه رفاعیلر دیرلر
شمسیا وارث نقد علوم اولیایز بز
بنده آل عبارز بزه رفاعیلر دیرلر
مشارالیه ذوالجناحین عاشق، فاضل، کامل، طاب اسمنک تمامیه
مسیاسه ماصدق صالح منزوی فقیرای صابریندن برذات مکرم ایدی.

دائماً درکاه شریفنده کلام قدیم، دلائل شریف، رسائل یازار آنکله
تعیین ایدردی. بندکانه (او غلم؛ سزه طاش ایله اورانلره سز آنک
ایله مدافعه ایدیکز) بیورلرلریش (۱۲۹۶) سنه سی عالم جماله انتقال
ایدوب درکاه شریف - توحید خانه سنه دفن ایدلمش، عزیززاده لری
و وارث کالات معنویه لری شیخ توفیق افندی ارتحال عالیترینه تاریخ
آبی سولشددر.

عشر عاقل چیقوب شعاعی تاریخن دیدی
ترك ایدوب جهانی قیلدی عمر اقبال
۱۲۹۶

الفقیر شیخ
خیر الله

اکتیسات

تصوفات صوفیه

مشاهد شونانی شودهرک صانکه الفاظه
او الفاظ ایچره معنایی بولان مرد حقیقتدر
سنی دعوت ایدر هب کوردیکک آثار، ایفاظه
اویان، آج جان کوزک، کورعالمی شایان دقتدر !

دکل برجه، برقه؛ همان هر یرده هر ذره
ایدرکن جو ایچنده شوقه پرواز، کویاندر
اوکا امعان ایله قیلسهک نظر دنیا ده بر کره
اونک ذکر لسان اهتزازندن نمایاندر

نصل تعین ماهیت ایدرسک سن که انسانسک ؟
سن اولدک متن عالم، نسخه کبرای بیلمزسک ...
خطیئانکله ثابتدر که سن مألوف نسیانسک
قول اولمشسک ده یوقدن وار ایدن مولای بیلمزسک

سکا سن کل سنی سن بیل، سنی سن بول، اودر هب بیل
بو بیلیمک احتیاجی فطرتاً سنده مقدردر
محالدر، اولماز اما، برحیات اولسهکده یوزبیک بیل
صوکی برمرجه رجعت سکا امر مقدردر

مناجات

هائله زائله وسیله سیله

۱

یا الهی مؤمنینک ایتدیک ی فریاد و آه
کوش ربانیتکدن دور دکل بی اشتباه
هپ امکلرله املر عاقبت اولدی تباه
دورت طرفدن صاردی اعدا قالمدی جای پناه
اهل اسلامه عنایت ایله ارتق یاله

۲

اوج عصردر حرص کفار مالکی برباد ایلور
پیغمده عدلی تملدن ظلمی بنیاد ایلور
مسلمینک هر نوع اقوامی فریاد ایلور
دورت طرفدن صاردی اعدا قالمدی جای پناه
اهل اسلامه عنایت ایله ارتق یاله

۳

بر زمانلر دین اسلام کائناته نور ایکن
مشرکینک اکثریسی فیضنه مسحور ایکن
شمعیده سالککری هپ بویه جه مفدور ایکن
دورت طرفدن صاردی اعدا قالمدی جای پناه
اهل اسلامه عنایت ایله ارتق یاله

۴

دوندی دنیا سرتسر کویا خرابانخانه یه
اکثریتله مساکن بکزیور ویرانه یه
معکس اولدی هر طرف فریاد مظلومانه یه
دورت طرفدن صاردی اعدا قالمدی جای پناه
اهل اسلامه عنایت ایله ارتق یاله

۵

امتک حالی بوکون اولدی اسارتدن بتر
مرحمت ایله الهی چکدیک ارتق یتر
یوق ممالکده رفاه واستراحتدن اثر
دورت طرفدن صاردی اعدا قالمدی جای پناه
اهل اسلامه عنایت ایله ارتق یاله

۶

کرچه تقصیراتر چوقدر بزم بی اربتاب
هر خطایی ایشلیوب کوسرمدک اصلا صواب
بر عزمله یایمقدده اجتماعی انقلاب [۱]

[۱] مقصد سوبه عرفانی بوکستوب رفیلرک درجه صغه وارمق و منی
بککدر.

آچیلمشکن ید قدرته استمدادکه روزن
ضیا آل شمسدن ، گندی الکلر پرده لر چکمه
ایشی میزانه قوی ، اغوای نفسک اولماسین رهزن
براق اندیشه یی ، جام محبت چک ، کدر چکمه

اولاش بزم وصال یاره ، ایت ترک انانیت
خدایه دوزرو عزیم ایله ، ایشیت فروا الی الهی
جمال لازالی کورمک اولسون هپ سکا نیت
الهیات ایچنده شعله آهکلر بول راهی

ندر برقطره ؟ دریانک موقت جزه مذمتی
آنی عمانه آت ، درحال اولور ممزوج کلیت
کافی سینهدن سیل ، چک کوکلدن وهم ایله شکی
سن علوی سک ، سنی جهل ایلش دوچار سفلیت

چالیش مردان عالی همک طوط دامن پاکن
ار اول یاهو! اولردن اکر سن همت ایسترسهک !!
امین اول فی امان الله ، سور دلدن فنا پاکن
بقای ایسته ، نعمتیز جهانده نعمت ایسترسهک

سری

مثنوی و مولوی

شرق و غربه منتشر اولمش کتاب مثنوی
سکه هلیاسنک وارد کال قیمتی
هر مجوهردن کران تردر فلکده رفعتی
قوه قدسیه سی مانند نطق عیسوی
کلشن اهل ولادر حقیقت داوری
سوزلری کبریت احمر نظمک یوق پیروی
سالک راه هدایه پیشوادر مثنوی
جاهل اوله آج کوزک باق اکسیر اعظمدر مثنوی
محترصلر محو ایدر بردمده شان وشوکتی
حق پرستلر بوله ده هر آنده صاحب دولتی

مثنویخوان

عشق